

# Powšitkowne WOZJEWJENJA

njedźelu, 12. septembra 2021

## Wusyłaŋje Božeje mše

Serbskorěčnu Božu mšu móža wěriwi tutu njedźelu, 12. septembra, znova jako live-stream w interneće scěhować. Wona přenjesje so w 9 hodž. z Chróšćanskeje cyrkwyje. Link na nju je pod [www.posol.de](http://www.posol.de) a na wosadneje stronje podaty.

## Serbske kemše w Drježdźanach

Drježdźanscy Serbja su na maćernorěčnu Božu mšu tutu njedźelu, 12. septembra, w 16.00 hodž. do cyrkwyje swjateho Antonija w Drježdźanach-Löbtauwje, Bünauska hasa 10, přeprošeni. Kemše změje farar Gabriš Nawka. Božej mši přizamknjetej so swačina a bjesada we wosadnicy.

## Duchowna hudźba

Składnostnje kermuše Budyskeje cyrkwyje Našeje lubeje knjenje tutu njedźelu, 12. septembra, su wšitcy na dwurěčny nyšpor z duchownej hudźbu přeprošeni. Tutón zahaji so we 18 hodž. Tachantski kantor Kamil Maksymilian Kulawik na piščelach kaž tež Thomas Siegmund na klarineće a saksofonje zanjasetaj mjez druhim twórby Bacha a Greena. Přizjewjenja za koncert su trěbne. Link je pod [www.posol.de](http://www.posol.de) wozjewjeny. Zastup je darmotny, při durjach pak budže zběrka.

## Patronatna Boža mša w Chróšćicach

Wobydlerjo a přistajeni Domu swjateje Ludmile w Chróšćicach wosweća srjedu, 15. septembra, wuwzačnje džen zašo, swój patronatny swjedžen. Džakna Boža mša skladnostnje 1.100 róčnicy jeje martrarskeje smjerće budže w 10 hodž. we wosadneje cyrkwi. Wšitcy wěriwi su wutrobnje přeprošeni.

## W Róžeńće modlenje před Najswjećišim

Na modlenje w serbskej a němskej řeči před wustajenym Najswjećišim sobotu, 18. septembra, we 18 hodž. su wěriwi do Róžeńčanskeje swjatnicy přeprošeni. Škitne naprawy maja so wobkedźbować.

## Modlerske zetkanje za biskopstwo

W klóštrje Marijinej hwězdze w Pančicach-Kukowje wotměje so tutu njedźelu, 12. septembra, modlerske zetkanje wo duchowny rozrost a wo powołanja za Drježdźansko-Mišnjanske biskopstwo. Wone zahaji so w 14.30 hodž. w klóšterskej cyrkwi ze zhromadnym modlenjom z biskopom Heinrichom Timmereversom. Po tym su wobdźělnicy na wzajomnu wuměnu při přikusku přeprošeni.

## Nyšpor z požohnowanjom konjacych zapřahow

Towarstwo Cyrila a Metoda z.t. přeprošuje wšitkich wěriwych tež lětsa na wosebity nyšpor domchowanki z požohnowanjom konjacych zapřahow. Tutón budže njedźelu, 26. septembra, w 14.00 hodž. w Chróšćicach na łuce při Hatkach.

## **Potrjechenym powodženja w zapadže pomhać**

Za wopory powodženja w zapadnej Němskej hromadži Towarstwo Cyrila a Metoda z.t. (TCM) ze swojej akciju „Łužica pomha“ dary za potrjechenych wosady we Weilerswis-će juhozapadnje Kölna. Tam bydlaća młoda serbska swójba je zwisk sposrědkowała. Pjenježne dary móža so na konto Cyrill-Methodius-Verein e.V., IBAN: DE 65 750 90 300 000 828 23 66, pod hesłom „Weilerswist“ přepokazać. Štóž swoju dospołnu adresu poda, tomu wustaji TCM darowansku kwitowanku.

## **Na čo při wólbach do sejma džiwać?**

Sakski katolski zwjazk za kublanje dorosćenych (KEBS) a jeho ewangelski wotpowědnik (EEB) přeprašujetej w přihoće na wólby do Zwjazkowego sejma k diskusijam pod titulom „Bjez orientacije – check wólbnych programow po křesćanskim wobrazu čłowjeka“. Tute wotměja so wot pónđzele do štwórtka, 13. do 16. septembra, stajnje wot 19.30 hodź. Přenje budže pónđzeli, 13. septembra, w Smochčanskim kubłanišću swjateho Bena, tamne na naslědnych dnjach w Drježdžanach, Kamjenicy a w Freibergu. Na zarjadowanjach póndže wosebje wo prašenja, kak měła so demokratija přichodnje wuhotować a kotre pozicije su z křesćanskeje wěry za rozsud při wólbach wažne. Wšitcy zajimcy su wutrobnje přeprašeni. Zastup je darmotny. Kóždy z wječorkow wysyła so zdobom jako livestream, a to přez YouTubowej kanalej Katolskeje akademije Drježdžansko-Mišnjanskeho biskopstwa kaž tež Smochčanskeho kubłanišća swjateho Bena. Link na nje je pod [www.posol.de](http://www.posol.de) wozjewjeny.

## **„Dr. Marja Grólmusec – dodnić a domyslić“**

Składnostnje lětušich 125. posmjertnych narodnin dr. Marje Grólmusec wotměje so pjatk, 17. septembra, w Budyskim Serbskim muzeju wosebite zarjadowanje z wodženjom a přednoškom. W 15.30 hodź. powjedzetej wuměłča Maja Nagelowa a direktorka Christina Boguszowa po wustajeńcy „machot časa. wot běleho k čornemu“. Přizamknje so w 17 hodź. zarjadowanje „Žona(y) ze zamołwitosću“ z přednoškom, podijowej rozmołwu a hudźbnym wobrubjenjom. Zajimcy měli so prošu pod telefonowym čisłom (0 35 91) 2 70 87 00 abo pod [ticket@sorbisches-museum.de](mailto:ticket@sorbisches-museum.de) přizjewić. Hygieniske nawayy maja so wobkedźbować.

## **Biskopa Spülbeckowy wizionarny wobraz wo cyrkwi**

Smochčanske kubłanišće swjateho Bena přeprašuje wšitkich zajimcow na seminar wo biskopa Otta Spülbeckowym wizionarnym wobrazu wo cyrkwi a jeho wuznamje za přitomnosť. Tón wotměje so wot pjatka do njedzele, 15. do 17. oktobra, z prezidentom Centralneho komiteja katolikow (ZdK) Thomasom Sternbergom a Drježdžansko-Mišnjanskim biskopom Heinrichom Timmereversom. Pod nadpismom „Jedni we wěrnosći a wjeselu“, hesle biskopa Otta Spülbecka, budu Christian März (Drježdžany), Ralf Miggelbrink (Essen), Joachim Schmiedl (Vallendar) a Peter-Paul Straube (Budyšin) přednošować. Na programje steja tež rozmołwy z časowymi swědkami kaž z emeritowanym biskopom Joachimom Reineltom a bamžowskim čestnym prelatom Bernhardom Rachwalskim. Wjeršk seminara ma być Boža služba z biskopom Timmereversom, po kotrejž ma so žurla Smochčanskeho kubłanišća na Žurlu Otta Spülbecka pomjenować. Zajimcy měli so hač do štwórtka, 30. septembra, pod [www.bildungsgut-schmochtitz.de/anmeldung](http://www.bildungsgut-schmochtitz.de/anmeldung), z mejlku pod [info@bg-schmochtitz.de](mailto:info@bg-schmochtitz.de) abo telefonisce pod čisłom (03 59 35) 2 20 přizjewić. Tam zhonja tež płaćiznu. Studenća dóstanu 50procentowske potuńšenje.